

O Le Taua o Aoaoga

O tusitusiga paia ma faamatalaga nei mai taitai o le Ekalesia e mafai ona fesoasoani ia te oe e malamalama atili ai e uiga i faamoemoega ma manaoga o le Alii mo oe ia maua aoaoga. A o e suesue, vaavaai mo upumoni e uiga i le taua o le a’oaoga.

Tusitusiga paia e su’esu’e:

Mataupu Faavae ma Feagaiga 88:77–80, 118; 130:18–19

Aoaoga mai taitai o le Ekalesia:

Na aoao mai Peresitene Russell M. Nelson:



O le aoaoina o lau mea lena ia maua. E leai se tasi e mafai ona ia mauaina mo oe. Po o fea lava o e i ai, atiina ae se naunautaiga loloto e aoao. Mo i tatou i le avea ai ma ni tagata o le Au Paia o Aso e Gata Ai, o le mauaina o se aoaoga e le na o se avanoa; o se tiutetauave faalelotu. “O le mamalu o le Atua o le atamai” (Mataupu Faavae ma Feagaiga 93:36). E moni lava, o a tatou aoaoga o le a aogā mo i tatou i le faavavau. . . .

O se vaauga mamao faapena o le a fesoasoani e te faia ai filifiliga lelei e uiga i le aoaoina.

Aua le fefe e tulitulimatagau au sini—e oo lava i au miti! Ae ia silafia e leai se auala ‘alo e tau atu i le tulaga silisili ma le tomai. O le aoaoina o le eseeselea lea i le va o le *moomoo* maimau pe ana mafai ona e fesoasoani atu i isi tagata ma le *mafai* ona fesoasoani atu ia i latou. (Russell M. Nelson, “O le a Le Mea o Le a E Filifilia?” *Ensign*, Ian. 2015, 32)

Na saunoa Elder David A. Bednar o le Korama a Aposetolo e Toasefululua:



Ua ta i ai i lenei lalolagi e saunia mo le faavavau, ina ia aoao le auala e aoaoina ai, ia aoao i mea e le tumau le taua ma e taua le tumau, ma ia fesoasoani i isi e aoaoina le poto ma le upumoni (tagai i le Mataupu Faavae ma Feagaiga 97:1). O le malamalama po o ai i tatou, o fea na tatou o mai ai, ma pe aisea ua tatou i ai i luga o le fogaelelele ua tuu ai i o tatou luga se tiutetauave sili e aoao ai pe faapefea ona aoao ma aoao ia fiafia i le aoaoina. (David A. Bednar, “Learning to Love Learning,” *Ensign*, Sep. 2010, 27)

Na faasoa mai ia Peresitene Camille N. Johnson, Peresitene Aoao a le Aualofa:



E tatau ona tatou maua aoaoga uma ma aoaoga faamasani tatou te mafaia ina ia mafai ai ona tatou saunia. Sauni e auaua atu i le lalolagi ma le Ekalesia. Sauni e avea ma ni fesoasoani ma ni soa atamamai i o tatou taitoalua. Saunia e avea ma faiaoga mataalia i a tatou fanau ma na tagata talavou o loo i ai a le tatou aoga. O le tele o lo tatou aoaoina, o le tele foi lena o le aoga e mafai ona tatou tau atu mo le lelei.” (Camille N. Johnson, “Seek Learning by Study and by Faith” [BYU–Pathway Worldwide devotional, Oct. 19, 2021], byupathway.org).

Mai le *Mo Le Malosi o le Autalavou: O Se Taiala mo le Faia o Filifiliga*:

E finagalo le Tama Faalelagi i Ona afafine ma atalii ia aoao i taimi uma. Ua ia te oe mafuaaga faaletino ma faaleagaga e saili ai ma fiafia i le aoaoina. O le aotauina e le na o le mauaina o tupe. O se vaega o lau sini e faavavau ia avea atili e faapei o le Tama Faalelagi. . . .

Vaavaai mo avanoa e faalautele ai lou mafaufau ma ou tomai. O nei avanoa e mafai ona aofia ai aoaoga aloaia i le aoga po o aoaoga faamatata eseese faapea foi ma aoaoga le aloaia mai punavai e te faatuatuaina.

Faaofia le Alii i au taumafaiga, ma o le a la taialina oe. A o e aoao e uiga i le lalolagi o siomia ai oe, aoao foi e uiga i le Faaola, o le na foafoaina le lalolagi. Suesue i Lona soifuaga ma aoaoga. Ia avea le seminare, inisitituti, ma suesuega patino o le talalelei o se vaega o lou aoaoina i le olaga atoa. (*Mo Le Malosi o le Autalavou: O Se Taiala mo le Faia o Filifiliga* [2022], 31)